

第八十三冊

卷一百四十八

鹽務考二

卷一百四十九

鹽務考三

新纂雲南通志

盧

漢

題

簽



新纂雲南通志

卷之二十一

藝文志

文苑

詩

新纂雲南通志

卷之二十一

藝文志

新纂雲南通志卷一百四十八目錄

鹽務考二

沿革一

清一



新纂雲南通志卷一百四十八

鹽務考二

沿革二

清二

光緒元年五月奏准裁汰琅鹽井提舉將琅井學額仍舊設立併歸

黑井提舉就近考試

雲南巡撫岑毓英奏裁汰琅鹽井提舉改設石膏井提舉一案未盡事宜摺言琅井原設有文學額八名以廣通訓導分管歸提舉考試今琅井提舉雖已改設石膏井而琅井

民住井煎鹽如故且各府廳州縣因歷年捐輸軍餉均請廣加學額即原無學額各廳州縣亦請增設若因裁琅井提舉而併裁學額該井士民未免向隅應請仍舊設立併歸黑井提舉就近考試以示體恤禮部議覆查定例雲南琅鹽井學額取進八名廩生八

名增生八名四年一貢今據該署督奏稱該井原設學額以廣通縣訓導分管歸提舉考試今將該井提舉裁撤改設石膏井提舉而琅井竈民住井煎鹽如故未便將學額一併裁撤請仍舊設立歸併黑鹽井提舉就近考試等語係屬實在情形應如所請辦理

光緒二年奏准雲南他郎廳私開猛野井有礙石膏磨黑兩井銷路

自光緒二年始永遠封閉

署雲南巡撫潘鼎新光緒二年七月二十一日附奏再他郎廳屬猛野井出產生鹽有礙石膏磨黑二井銷路曾於雍正道光年間迭經封閉嚴禁在案嗣兵

燹多年此井又復私開同治十二年前撫臣奏明飭令鹽法道委員前往清理原屬權宜試辦乃迄今兩年有餘統計抽課無幾毫無起色且該井煙瘴最深銷路全在夷疆林深箐密官役既巡察難週奸商亦易於越範以致石膏磨黑兩井正鹽轉多疲滯實屬

利少弊多據署布政使倉景倫署按察使崔尊彝鹽法道沈壽榕詳請具奏仍舊封閉等情前來相應請旨將他郎廳屬之猛野井永遠封閉如再有匪徒私開飭令從嚴懲辦以復舊制而重巖政謹會同雲貴督臣劉長佑附片陳明伏乞聖鑒訓示謹奏奉旨著照所請

光緒四年奏定滇省鹽課額數

先是戶部奏雲南鹽務試辦期滿延不奏報請旨飭催酌定章程奏請定額按年奏報題銷以重正供而符定制謹據咨改奏恭摺仰祈聖鑒事竊

查雲南鹽務自咸豐四年奏銷後因逆氛不靖停辦至同治十二年據署雲貴總督岑毓英奏軍興以來或為回逆盤踞或為武弁把持近日地方肅清將額井及新開喬後喇雞鳴二井統歸鹽道委提舉大使等官分投接辦自同治十三年正月為始試辦三年

期滿實可銷鹽若干征課若干再行奏請定額開列井員考成以歸舊制並稱現征課銀不及昔時之半應令儘征儘解按年奏銷等因奏奉硃批著照所請戶部知道欽此欽遵行知在案同治十三年七月臣部以雲南鹽務每年額征鹽課三十七萬二千餘兩

例定次年七月奏銷咸豐五年因該省地方被擾據雲南巡撫請將鹽課奏銷展限至今未據補報又據於歷次報銷軍需案內聲明該省未失守及已克復地方所征錢糧或歸提臣收支或解局用同治七年始經酌定章程委司道等經理武弁不得擅收是年

六月復據署雲貴總督岑奏裁琅井提舉改設石膏井提舉摺內聲明石膏磨黑二井據迤南道稟報每年所收課銀不及一萬兩當經臣部查以雲南石膏井定額應征正溢課銀六萬一千餘兩今所報每年收數核與原額不符咨令轉飭鹽道即將因何短征

該二井節年以來係委何員經理有無征多報少並咸豐五年以後未報各年應征正溢課銀已完若干未完若干現在地方一律肅清即應次第詳查補報所稱逆回盤踞之時難以查考尙屬實在情形至同治七年以前武弁征收各款應移咨提臣查明案據

於何年月日差委某武弁經理某處鹽井即責令該武弁將經手征收鹽課造具收支細冊送部七年以後即經酌定章程委司道經理尤應轉飭該司道等將各井已未完鹽課各數造冊補送並嗣後有無私開子井暨額井有無荒廢應如何酌盈濟虛均令確

查據實聲復光緒二年二月復經臣部專案咨催並以該省奏請試辦已屆一年應將征收鹽課數目先行遵照奏案專摺奏報所定章程亦應隨案咨送延至本年臣部正以該省延不登復擬再行咨催問據雲南巡撫杜咨稱據署鹽法道石峻詳奉部咨查石

膏磨黑二井因何短征查該二井地居極邊兵燹年久戶減丁稀銷鹽甚少現雖由該道設法疏通引地赴井挽運者仍屬寥寥該二井每年約征課銀祇一萬七八千兩並無征多報少情弊又奉查同治七年以前以後征收鹽課若干令補行造冊報部查同治

七年以前滇省軍務方殷各營收復井地自行煎鹽征課供支軍餉一切賬目均報軍需總局道署無案可稽同治七年以後各井應征正溢各課亦由武弁征收運解軍需局撥充兵餉所有同治七年以前七年以後及同治十年至十二年止各鹽井所收課款業經分年分井由局併入同治六年以後軍需案內開單報銷奉部復准應邀免再行開報又奉查有無續開子井查自新開高後喇雞鳴二井之後並無續開子井其從前報部各井軍興後多有額縮嗣老滷源枯竭之處舊額且難規復憑何挹注是以無從酌辦又奉查試辦三年已滿未據奏請定額亦未將一年收數專案奏報查同治十二年奏請自同治十三年正月為始試辦三年儘征儘解按年奏銷各該井員雖經遵照試辦無如滇省亂後各井情形未能劃一所征課銀因試辦期內亦未分別正雜隨時移解司庫充餉征解各款既難分別正雜即礙難照例造報所有奏請試辦三年內收支各井鹽課業經前任鹽道沈壽榕造冊移局邀免再行造報又奉查試辦期內奏請定額一節查滇省鹽井坐落西南兩迤地面試辦期內因寧州順寧雲州騰越等處城池失陷

雖旋經收復而本年秋後黑白兩井又被水災委員分別會勘設法補救各井情形時有變更章程未定劃一兼之黑白二井被淹雖經飭修而工費浩繁非剋期所能修理煎鹽愈少收課愈微非修復後銷路暢行課項日有起色難以定額奏銷亦難照例造報

現惟督飭各井員隨時竭力調辦仍按月儘征儘解接濟兵練餉需所有收支各井課款仍會同司局彙案報銷以歸核實等因咨復前來臣等伏查各直省應征鹽課與地丁關稅均係維正之供藩運司暨各監督征收各有專司造報亦各有專責無容紊亂雲南鹽務歲額應征正雜課銀三十七萬二千餘兩各井煎鹽每年均有定額經征課額完全議叙未完議處三參限滿不能遺補全完即須分別著賠向設鹽法道一缺為專管督征之員各鹽井產鹽分數征收課項分設提舉大使等官經理其事立法極為周密

該省自咸豐四年迄今二十年先因回逆滋擾未據辦理鹽課報銷迨同治十二年據報軍務一律肅清經署督臣岑自行奏明將鹽務統歸鹽法道經管試辦三年試辦期內儘征儘解按年奏銷期滿奏請定額等因自應恪遵奏案辦理並將臣部歷次咨查各節逐款詳復專案具奏以慎課款而重責成乃試辦至今四年有餘計期早逾奏限該省既未按年將收數造報期滿亦不奏請定額節由臣部奏咨迭催始據該署撫以一咨塞責其來咨大致以試辦前未報各井鹽課已於軍需案內奉部准銷試辦期內所征

銀兩業經移送軍需局應亦歸於軍需項下報部均請免其再造現時軍務初定征收不能足額難以遵例奏銷嗣後收支各井鹽課仍請由局彙報俟鹽務暢行再行定額等情臣等查軍興以來如兩淮浙閩等省地方俱遭淪陷迨一經克復各該督撫無不先以清理鹽政為首務誠以時艱所值籌兵必先籌餉鹽課為帑項大宗不容稍事含混各該省如浙江係照額減征福建係改引行票亦均有變通舊章之處其試辦多不過以一年為期期滿即由該管督撫奏明定額所征銀數無分正雜統行報部永遠奉行其

課銀亦多有撥歸軍餉支銷者但鹽課項下按年收數若干支銷及實存各數若干均歸運使鹽道按年造冊送部從未有如雲南鹽道所詳無論軍需以前軍需以後並該省自行奏請試辦三年期內按年應行奏銷之款及嗣後應征各年鹽課統行委歸軍需局辦理者前經該署督奏明自同治七年起定章將鹽務統歸鹽法道經管今該鹽道所經管者究係何事竟置釐課於不問其同治七年以前鹽由各營自煎課由武弁征收該鹽道猶可諉為無案可稽迨七年以後業據前署督奏明酌定章程鹽務委由司道經理有案乃此次咨內復稱七年以後各井應征鹽課亦由武弁征收核與岑毓英前奏武弁不得擅收之案不符鹽道為專管鹽務之員既經該督撫委令經理何以仍任武弁把持其為飾詞諉卸已可概見且查前該署督奏請試辦案內臣部議令將試辦後各井實征各井銀錢數目專案奏報期滿即行酌中定額奏明辦理並無責令將課項查照向額不准絲毫短征奏銷查照舊例應分正雜造報之議今該撫諉以不能照額征收照例造報等詞空言搪塞既不遵照該省奏准成案將試辦各年各井征解細數分別報部此次來咨亦未將歷年收數聲叙概以提解軍需為藉口其試辦以前未報各年鹽課亦稱已於軍需案內奉部准銷均請免其再行造冊殊不思軍需報銷與鹽課奏銷係屬兩事經理各有專員軍需案內不過將某年月日收過鹽道移交課銀若干籠統開報而已其某井產鹽若干征課若干某年征銀若干自有專司承管之員軍需局何從知悉豈能越俎代為分別造報雲南雖軍務初平其經管鹽務各員皆新設豈竟不知奏銷例限恭嚴總由該鹽道有意朦混貽誤致此若不量予薄懲不獨雲南一省釐網廢弛倘各省紛紛效尤將臣部無憑稽核更何以重課款而肅考成臣等公同商酌相應請旨將前任雲南鹽法道沈壽裕暨現署鹽法道石峻先行交部議處藉儆玩泄仍令該撫嚴飭該鹽道速將試辦三年期內各年各井征收鹽課數目分年分地補造清冊送部查核嗣後該省鹽務應行如何辦理亦令趕緊酌中定擬專案具奏並將試辦以前未報各年鹽課迅飭詳查補報以清案牘而整釐綱勿再含混遲延致干嚴議臣等為整頓釐務起見謹據咨改奏參摺具陳伏乞皇太后皇上聖鑒謹奏嗣雲貴總督劉長佑雲南巡撫杜瑞聯奏酌擬滇省鹽課額數並擬變通章程恭摺具陳仰祈聖鑒事竊臣等接准戶部咨山東司案呈本部具奏雲南鹽務試辦期滿請飭酌定課額按年奏銷並將延不造報之鹽道交部議處一摺光緒四年八月初一日具奏本日軍機大臣奉旨依議欽此抄錄原奏恭錄諭旨飛咨到臣等准此當經檄飭遵辦去後茲據鹽法道鍾念祖會同署布政使崔尊彝詳稱查滇省鹽課自嘉慶八年題定額數年征課養廉井費等銀三十七萬二千六百二十五兩二錢三分五釐嗣因遞年均有短縮道光初年通盤核計每年只能征收銀三十二萬餘兩不敷之數奏准在於黑井新開之元興永濟二子井並石膏井溢額項下按年撥補全完所撥之數免其併計參賠歷經遵辦在案軍興以後鹽井悉為賊踞間有未失亦為武弁把持鹽官無從過問同治七年經前

撫臣岑毓英酌定章程奏明委司道經理其時西逆下竄省垣正值戒嚴三逆道路不通大局岌岌難持其黑元永琅等井雖經收復而匪勢正熾附近賊營環列如堵分派鎮將駐守所需兵餉卽由各營員自行抽課供支司道等不過於軍需總其大略各營員

所收課銀亦不過籠統約略報局當危急存亡之際餉需奇窘之秋各營員索餉洵無可籌給勢不能責其按井按年分別開報是司道等僅有經理之名並無經理之實迨同治十二年軍務肅清各井次第規復岑毓英奏請自同治十三年正月爲始由鹽道

試辦三年儘征盡解試辦期內免開督征經征考成職名業經奉旨允准無如大亂初定戶減丁稀銷鹽不及承平之半况伏莽未盡時或征兵剿撫道路通塞靡常因而納課煎銷絀殊無憑準昨雖試辦期滿定額甚屬爲難現奉部催應卽遵照指示酌中定

擬計自同治十三年至光緒三年年底止凡四年各井征解課銀旋增旋減盈縮不齊礙難指以何年爲準今擬以此四年所征共銀八十一萬三千四百二十七兩七錢八分九釐一毫按四年勻攤每年應攤二十萬三千三百五十六兩九錢四分七釐二毫卽

照所攤之數不分課廉井費暫爲年征定額以光緒四年爲始照數督征按年奏銷不准稍有虧短並念各井盈虛莫定免其按井分額用示體恤俟數年後元氣稍復鹺務漸有起色再行酌量加增以昭覈實而重課款至同治十二年以前所收課銀經岑毓英

於軍需案內奏請援照同治三年諭旨將總數分年開具簡明清單奏明存案免其造冊報銷業已奉部核准原征武弁歷年既久或多物故或早離滇現已無從跟究邀免重複造報其同治十三年起至光緒三年止收支各井鹽課自應遵照分年分地造具

清冊送部查核第節年所收或就近撥充西南兩迤軍需或隨時解司充餉或支發鹽務養廉役食等項各井每月所解多寡不一隨到隨用道庫並無存儲難以分晰課廉井費並請將每年各井征解課銀通計合算但於現在酌定額數無虧仿照淮浙等處章

程不分正雜統行開造補送嗣後卽永遠奉行按年造報以符定案倘或遇有水患受災較重之年仍隨時詳請奏咨分別辦理惟滇省鹽課奏銷向係五月內辦理茲地方肅清未久各井道阻且長解課殊非易易今昔情形迥別舉辦恐難如期嗣後鹽務奏銷

更請勿拘每年五月總以上年鹽課到齊卽行造辦仍不得過次年之限以此量爲變通庶得從容核計免致舛錯之虞等情詳請具奏前來臣等查滇省產鹽惟在西南兩迤高則架木穴山以取礦低則掘澗鑲井以覓滷與淮浙辦法迥不相同當回逆占踞之

時未諳採取之術或將礦滷一齊挖倒或將清水攪入正滷本源之地受傷已深兼之附井各區不產煤炭煎鹽所用專賴柴薪自遭兵燹以來山林樹木半被砍伐爲營棚滾木之用現雖竭力規復而修井種樹一時均難見功加以災變相繼無歲無之以致所

征之課或先多而後寡或此膏而彼豐不惟井員無從逆料卽竈戶亦難預計如上年黑白等井被水沖圯籌費修整迤西一帶方有停煎之患本年臨安等處夷匪滋事道途梗阻迤南一帶復有停銷之虞凡此災變之迭生當爲聖明所洞鑒現查該道等詳陳

各節均係實在情形擬請俯如所議自同治十三年起至光緒三年止按照四年勻攤之數暫作為年征定額即從光緒四年為始其現造前四屆銷冊並免開督征經征考成職名以符奏案臣等仍當督同該道認真整頓務期漸復舊制以副聖主裕課足民之至意除將清冊分送部科司查核外所有酌擬滇省鹽課額數並擬變通章程緣由謹合詞恭摺具陳伏乞皇太后皇上聖鑒敕部覈覆施行謹奏

光緒七年議准滇鹽先復正課銀二十六萬一千六百四十五兩有

奇照額征完至養廉雜支銀兩予限三年照舊應征

先是四年雲南巡撫杜瑞聯奏言據鹽法道鍾念祖

等詳稱查滇省鹽課自嘉慶八年起定額數年征正課養廉井費等銀三十七萬二千六百二十五兩二錢三分五釐嗣因遞年均有短縮道光初年通盤合計每年只能征收銀三十一萬餘兩不敷之數奏准在於黑井新開之元興永濟二子井並石膏井溢額

項下按年撥補全完所撥之數免其併計參賠歷經遵辦在案軍興以後鹽井悉為賊踞間有未失者亦為武弁把持鹽官無從過問同治七年經前撫臣岑毓英酌定章程奏明委司道經理其時回逆下竄省垣正值戒嚴三迤道路不通大局岌岌難持其黑元

永琅等井雖經收復而匪勢正熾附近賊營環列如堵分派鎮將駐守所需兵餉即由各營員自行抽課供支司道等不過于軍需局總其大略各營員所收課銀亦不過籠統約略報局當危急存亡之際餉需奇窘之秋各營員索餉洶洶無可籌給勢不能責其

按井按年分別開報是司道等僅有經理之名並無經理之實迨同治十二年軍務肅清各井次第規復岑毓英奏請自同治十三年正月為始由鹽道試辦三年儘從儘解試辦期內免開督征經征考成職名業經奉旨允准無如大亂初定戶減丁稀銷鹽不及

承平之半况伏莽未盡時或征兵剿撫道路通塞靡常因而納課煎銷盈絀殊無憑準昨雖試辦期滿定額甚屬為難現奉部催應即遵照指示酌中定擬計自同治十三年至光緒三年年底止凡四年各井征解課銀旋增旋減盈絀不齊礙難指以何年為準今

擬以此四年所征課銀共八十一萬三千四百二十七兩七錢八分九釐一毫按四年勻攤每年應攤銀二十萬三千三百五十六兩九錢四分七釐二毫即照所攤之數不分課廉井費暫為年征定額以光緒四年為始照數督征按年奏銷不准稍有虧短並念

各井盈虛莫定免其按井分類用示體恤俟數年後元氣稍復饒務漸有起色再行酌量加增以昭覈實而重課項至同治十二年以前所收課銀經岑毓英於軍需案內奏請按照同治三年諭旨將總數分年開具簡明清單奏明存案免其造冊報銷業已奉部

核准况原任武弁歷年既久或多物故或早離滇現已無從跟究邀免重復造報其同治十三年起至光緒三年止收支各井鹽課自應遵照分年分地造具清冊送部查核第節年所收或就近撥充西南兩迤軍需或隨時解司充餉或支發鹽務養廉役食等項各井每月所解多寡不一隨到隨用道庫並無存儲難以分晰課廉并費並請將每年各井征解課銀通計合算但於現在酌定額數無虧仿照淮浙等處章程不分正雜統行開造補送嗣後即永遠奉行按年造報以符定案倘或遇有水患受災較重之年仍隨時詳請奏咨分別辦理惟滇省鹽課奏銷向係五月內辦理茲地方肅清未久各井道阻且長解課殊非易易今昔情形迥別舉辦恐難如期嗣後鹽務奏銷更請勿拘每年五月總以上年鹽課到齊即行造辦仍不得過次年之限似此量為變通庶得從容核計免致舛錯之虞等情詳請具奏前來臣等查該道等詳陳各節均係實在情形擬請俯如所議自同治十三年起至光緒三年止按照四年勻攤之數暫作為年征定額即從光緒四年為始其現造前四屆銷冊並免開督征經征考成職名以符奏案臣等仍當督同該道認真整頓務期漸復舊制以副聖主裕課足民之至意經部議駁七年雲貴總督劉長佑奏言滇省兵燹年久兩迤鹽井被賊燬壞過半滷水不分商竈逃亡自試辦以來招徠新商均不諳採取之術迭經借給柴本修復井竈督飭井員講求煎煉惟軍務初平人民未復銷鹽不能暢旺值叛練土夷相繼滋事道路通塞靡常鹽無銷路即課無來源又兼軍興之後加添鹽釐就井抽收鹽斤並未增價此試辦四年短征課款之實在情形也至開除養廉雜支各款試辦之初緝私巡費盤驗解課腳費及督撫道署紙筭引票紙價等項均係緊要養廉係不能不放之款其餘應支各項俟銷鹽暢旺再行照章支領所有單開請銷各款分計則照舊章並未核減統計則支發僅及六成實已核減四成此試辦期內支給雜支之實在情形也且前承辦各員役或因事故去任或因疾病亡故多已更換而所支皆應得之薪工為數無多緝私盤查較暢旺時尤為辛勞應請免追繳以示體恤自奉部咨後遵即督飭井員傳集各商剴切曉諭務將應征正額鹽課及養廉雜支各銀兩按年征足旋據各商稟稱深知正課為餉項所關何敢置公款於不顧惟自試辦以來短征額課之由實因兩迤各井廢弛年久煎銷不旺兼之軍務未能盡平人民不及昔年之半鹽課係計口授食銷鹽既減課項自虧既奉部奏駁商等惟有實力疏銷先將正額課銀二十六萬一千二百餘兩自光緒六年起照數認足惟煎銷場滯靡常倘仍征不足數查未經試辦以前係就井抽收鹽釐試辦以後前項鹽釐自應酌量刪減以顧正課擬請照舊抽收如正額有虧即在鹽釐項下撥補俾免缺額至奏銷冊載豁除井課仍請免其撥補以免賠累所有養廉雜支銀兩俟銷鹽暢旺察看情形即行次第啓征不敢意存觀望等情由該鹽道會同藩司具詳前來臣等覆查所詳係實在情形惟有仰懇天恩俯准允將正額鹽課自光緒六年起照數征足如有缺額即在鹽釐項下撥補庶額課不致有虧遵照定例於次年四月奏銷其同治十三

年至光緒五年所征鹽課均係儘征儘解支發軍餉仍歸軍需案內核實報銷一切雜支統照舊章不及六成亦請免其追繳其自六年起應支養廉雜支等項實係不能不放之款養廉一項查照咸豐七年部定章程核放雜支摘要支給仍統計核減四成之數以節糜費其養廉雜支銀兩請俟煎銷暢旺察看情形再行酌量起征等語戶部議覆雲南鹽務歲有應征正課銀二十六萬一千六百四十五兩養廉役食等項銀十一萬二千九百一十一兩零共應征正雜銀三十七萬四千五百五十六兩零此外每年尚有餘征鹽課雜支銀十萬兩上下軍興以前按年如額征解自咸豐五年逆氛肆擾該省鹽務廢弛奏銷停攔二十餘年同治七年始據前署督臣岑毓英奏請自當年起鹽務統歸鹽道分委提舉大使等員經理武弁不准擅收同治十二年岑毓英又請將鹽務試辦三年儘征儘解按年奏銷三年後酌中定額照例核計考成題報核銷等因均經臣部議准嗣一年期滿未據該省奏報征收數目迨光緒二年試辦三年期滿亦未將酌定課額奏明辦理節經臣部專咨行催延至光緒四年七月計逾試辦期滿一年有餘迄無隻字奏覆經臣部奏請將鹽道沈壽榕署鹽道石峻等交部議處至五年正月劉長佑等覆奏自同治十三年試辦起迨光緒三年年底止四年統計共收正雜課銀八十一萬三千四百五十六兩零作為年額並請正雜統報暨造具前四年收支清冊送部復經臣部查以該省鹽務兵燹以前歲收銀數正雜溢三項併計總在四十萬兩以上今所定年額較前減半且雜款分毫無收而冊開支銷款目反較舊例浮多又欲按年在於正課項下開除礙難照准駁令嗣務照舊額歲征二十六萬一千六百四十五兩之數按年征足其養廉雜支各項應征銀十一萬二千九百一十一兩零向係隨同正課併征亦令照數征完以供支應所有冊造各員歷年浮支銀兩應令追繳至該省向有應征溢課懇暫緩征收俟銷路暢旺再議復舊等因奏准行知遵照各在案茲復據劉長佑等以滇離廢弛日久整頓匪易年來各處土匪滋事鹽銷倍滯若必正雜同征商力實有未逮懇准自光緒六年起將正課先行復款如有短縮請在鹽釐項下撥補照例於次年四月奏銷養廉雜支請俟煎銷暢旺察看情形再行起征其同治十三年至光緒五年所征課銀均係儘征儘解支發軍餉仍請歸入軍需案內報銷一切雜支較舊不及六成請免追繳六年以後養廉一項查照咸豐七年部定章程核放雜支統減四成摘要支給等情具奏前來臣等查鹽課維正之供既不容絲毫虧短養廉雜支又均係應放之項若無收款則憑何供支本屬礙難停征惟據該督臣等瀝陳兩迤鹽礦毀壞過多招徠新商又不諳採取之術加以叛練土夷相繼滋事道路屢梗鹽無銷路且軍興後加征鹽釐與正課無異而鹽斤不能增價各節均尙實在情形邊商積困難紓不得不量加體恤擬請暫准先復正額務令該督撫等督飭鹽道按年將應征課銀二十六萬一千六百四十五兩有奇照額征完不准再有藉詞帶欠至應征養廉雜支銀十餘萬餘兩誠恐一時併征商力竭蹶應請暫准停緩予以限制臣等公同商酌擬請以三年為限自光

緒六年起扣至八年底止九年即令照舊起征計該省肅清有年地方諸務不難漸復舊章釐務亦當日有起色俟三年限滿毋許覬覦續展致干駭斥再查養廉係按年必需之款刷印引票紙硃等項有關行鹽征課亦屬緊要礙難停款不放所有雜支未屆限起征以前暫應准其開支至光緒八年以後應即仍在本款動支以示限制而復舊章該省各項開銷應令照舊核實刪減凡舊章所無新增銷額均令一律裁除仍按年造具支銷細冊送部備核其以前各年浮支銀兩本年應責成承辦各員按款追賠現據該督臣等奏稱各該員所支皆係應得薪工為數甚微且多更換亡故請免追繳等語應准如所奏免其賠繳以示體恤而省追呼又據請正額有虧即在鹽釐項下撥補一節查該省鹽釐向照何項章程抽收每年約可收銀若干均係作何支銷應令轉飭鹽道查明自何年起征每井抽銀若干每年約共征銀若干分年分井造具收支清冊專案送部藉資考核又查鹽務夙稱利藪凡出入款項必得鉤稽詳細方足以昭覈實而杜弊端臣部前於五年正月曾將該省冊報開除各項凡與舊章不符者分條開列清單駁令查明聲覆乃此次覆奏未據聲叙應再請旨飭下雲貴督臣雲南撫臣遵照前奏迅即詳查覆陳毋再含混遲延是為至要奉旨依議

光緒九年詳准磨黑井照黑鹽井竈煎官賣章程歸石膏井提舉經

理督竈煎鹽招商銷售

鹽法道等會詳稱奉憲批據磨黑井竈民劉錦雲等稟請照黑井竈煎官賣章程辦理以顧課款而恤竈民一案飭道核議詳覆等因遵查磨黑井開自雍正三年經士

人覓滴煎鹽係寧洱縣經管年征課銀七百八十餘兩又石膏井於乾隆五十八年經該處夷民採礦開辦由普洱府兼管至道光六年礦旺鹽豐改歸迤南道經理嗣將抱香井大使議裁改為石膏井大使移駐該井專令稽煎查竈緝私驗引各事宜鹽課仍歸迤南道征解每年共征正溢額課銀七萬二千餘兩繼因硃老山空採辦不易征課減色自道光二十八年起減征課銀一萬二千兩迨至咸豐四年山陷硃廢礦不能採覓滴煎鹽日漸短絀正在尋覓子井適遭回亂被賊蹂躪後為武員佔據於同治十三年

始歸文員辦理經前司道會議擬裁琅井提舉改設石膏井提舉移駐該井地方管轄石磨二井銷征事宜詳蒙奏准奉部咨覆到滇時因磨黑井出鹽甚旺該井相距石膏井一站之遙提舉專辦石膏井務竈煎鹽實自光緒六年起年認征課銀七千兩議將磨

黑井鹽務仿照白喬二井事例分歸原設石膏井大使專責經管與石膏井分路行銷仍竈煎鹽實自光緒五年起年認征課銀一萬五千兩近年以來雖課無墮誤而該井竈商濫價行銷積弊日多致井務難望起色自應俯如所請改為竈煎官賣而磨井征

課較多責大任重大使權輕職小恐呼應不靈擬請將磨井歸併提舉專責經理督竈煎鹽招商銷售所有銷路仍照原定石磨二井歸併同賣俾一事權其石膏井大使仿照黑井章程專司查竈緝私驗引截角等事以專責成而符奏案如此歸併辦理庶可期煎鹽暢銷除弊裕課惟該竈等所認本年課釐尙欠秋冬二季未便遽令交脫應仍歸大使征解擬自光緒十年正月初一日爲始交提舉督煎督銷復恐該竈等藉此交替之際多煎鹽斤另外寄囤濫價銷售不能不督煎清銷以杜私弊如蒙批准擬飭提舉即到磨黑井督飭一面代收煎出之鹽配引行銷代收課銀轉交大使批解以清本年課釐如此各清各款不容擅自挪移於公私均有裨益經督撫批准照辦清鹽法志載黑元永琅阿等井於同治十三年委任提舉大使管理鹽務後即係竈煎官賣歸案散佚姑從蓋闕

又四川總督奏准川省官運局每年認解滇省稅釐銀一萬四千

兩

四川總督丁寶楨附奏准雲貴督撫咨川商應完滇省鹽稅釐金銀兩擬仿照黔邊辦法每年由四川官運局認解銀一萬四千兩自光緒九年正月爲始隨抵鈐協餉搭解赴滇以利銷行而濟餉需等因當經轉行遵辦去後茲據總辦官運局候補道

夏崑詳滇省每年額行邊陸引折合水引二千十二張較之黔引僅及十分之一而鹽價較之富鹽價頗高下亦甚懸殊若再將此項專歸滇岸成本未免太重似非體恤邊商疏通引路之道擬仍仿照黔省攤解稅釐章程一律辦理於滇岸大有裨益即自光緒九年正月爲始每年由局認納銀一萬四千兩分夏冬二季隨抵銷協餉搭解赴滇以資餉需等情詳請奏咨前來臣覆核無異除批飭曉諭滇邊行商一體遵照並分咨外理合附片具陳伏乞聖鑒謹奏光緒九年四月初二日奉旨允行

光緒十年議准滇鹽應征養廉役食雜款及溢課十萬兩再行予限

三年限滿即將正雜溢三項照征足額

雲貴總督岑毓英等奏言滇省鹽務額征正課銀二十六萬餘兩養廉役食銀十一萬餘兩軍興後戶減

丁稀鹽無銷路課無來源抽收贖釐亦係取之於鹽今日之鹽釐即昔日之雜款且加釐並未加價商本非輕以現完課釐兩項併計較承平時應完正雜各款不相上下前此責令認完正課商力已形竭蹶若再加征養廉役食力更難支溯查各省鹽務如閩浙

兩淮等處或改票運或抽釐稅均未能正雜一律起征兩淮應征雜款曾以鹽釐過重奏請緩征聲明俟鹽釐裁撤再行起征今滇省應征養廉役食亦在蠲課之外應征雜款核與兩浙之案情形相同且查滇省黑琅元永四井光緒八年九年內均被水災竈民元氣大傷加以迤南辦理防務內地井鹽屯聚商賈不能暢行銷路愈狹商力民情均屬拮据若再併征雜款恐積欠愈多追繳更難惟有仍遵光緒六年奏案先儘正課征解如有不敷在鹽釐項下撥補足額其應征養廉役食援照兩淮成案請俟滇省善後歲

事元氣大復煎銷兩暢再議按年征收俾示體恤至停緩以前應放一切雜支皆保不能不放之款仍請照案在正課項下核實開支等情由鹽法道等會詳請奏臣等查滇省地屬邊隅軍興後戶減丁稀各井迭遭蹂躪近復連年水災鹵源更傷現值迤南辦理

防務商賈不能暢行煎銷愈形疲滯當此課釐並征成本已重再加征養廉役食商力實有未逮仰懇天恩准如所擬先儘正課征收至養廉役食銀兩援照兩淮成案俟善後歲事鹽釐全裁煎銷暢旺再行酌量起征其應需一切雜支仍就正課開除等語戶部

議覆雲南鹽務每歲額征正課銀二十六萬一千六百四十五兩養廉役食等項應征銀十一萬二千九百一十一兩有奇向係隨同正課一併征收此外尚有溢課銀十萬兩上下例定次年四月奏銷其雜支各項於養廉役食項下開支按年造報自逆匪肆擾奏

銷停攤二十餘年肅清後迭經臣部奏令整頓至光緒五年正月始據前督臣劉長佑等奏請以二十餘萬兩作為每年定額並請將應征養廉役食暨溢課銀兩概予停緩應放雜支各款在正課項下開銷當經臣部奏令將每年應征正課及養廉役食等銀按

年照額正足其應征溢課銀兩暫准緩征並令將應放雜支核實刪減即在所征養廉役食項下開支七年正月復據劉長佑等以滇省廢弛奏請自光緒六年起先將正課照數征足如有缺額在鹽釐項下撥補其應征養廉役食等銀請俟煎銷暢旺再行起征

應支養廉照章核減雜支統減四成在正課內開銷復經臣部核議准其先復正課銀二十六萬餘兩奏令照額征完不准帶欠應征養廉役食等銀十一萬餘兩由光緒六年起暫准停緩三年自九年即照舊起征所有雜支等項停緩期內准在正課動支起征

後仍應在本款項下開支不得再動正課以示限制所請以鹽釐撥補正課臣部查該省鹽釐自何年起征向照何項章程抽收奏令分年分井造具收支細冊報部查核等因行知各在案茲據督臣岑毓英等以滇省元氣大傷各井連年水災迤南現辦防務商

賈不能暢行懇請先儘正課征解其養廉役食等銀援照兩淮成案請俟滇省善後歲事元氣大復再議按年征收停緩以前應放雜支仍請在正課開支等情具奏臣等查該督所奏既已明奉恩旨何敢冒昧置詞惟歷查臣部奏案有不能不瀝陳者滇省久報

肅清民間不能淡食所征鹽課何難逐漸足額若頻年特鹽釐撥補終非長策况井員全無考核誰復認真督征該省前請緩征養廉役食等銀並請將雜支在正課動用臣部當日酌中核擬予限三年原係一時權宜未可援為常例也該督等自當遵照以求整

頓乃逾限已有年餘辦理毫無起色如謂黑元各井被水竈民元氣大傷查滇省各井水患或冲塌鹽井或漂沒成鹽均由公款借給修整期於額課無虧此次水患經該督等先後奏請撫卹並已於正課內撥借銀八千兩俾資修復似不能以此借口至該省防務不過邊關一隅何以商賈不能易行銷路愈狹為詞又據稱現完課釐兩項併計較從前應完正雜課款不相上下查該省額征正雜溢三項共銀四十萬餘兩今每年僅報收正課銀二十三萬餘兩尚賴以鹽釐撥補而每年鹽釐共收若干除撥補正課外乍何支用迭經臣部奏咨查詢迄今並未專案造報殊屬含混至緩征雜款援照兩淮成案辦理一節查閩浙兩淮改票抽釐並未將隨征雜款概請緩征亦未有因鹽釐過重請將雜款奏緩之案其淮南請俟鹽釐裁撤再行起征者係專指各處帑息而言該省養廉役食等銀係隨同正課冊報核與兩淮情形不同礙難照准臣部總核度支各省均有雜款以供支放若似此瀆請緩征辦理殊欠核實臣等公同商酌既據該督撫陳前項情形若必責令即將雜款起征誠恐一時力有未逮課帑攸關亦不得漫無年限擬請從光緒九年起再行予限三年暫准將養廉役食雜款及溢課十萬兩准予緩征一俟限滿即將正雜溢三項照征足額以符舊制如蒙俞允臣部即行文該省遵辦仍令將現收鹽釐數目查照臣部歷次奏咨各案分年分井造具收支細冊專案報部稽考並令嚴定各井員征收分數以核考成而免諉卸奉旨依議

光緒十二年詳准抱香按板二井併歸一員經理並將景東井暫行

封禁

鹽法道等會詳稱查抱香井與按板井地本毗連而行銷之鹽多入夷地彼此爭銷遂致減價加秤習以為常價減則發薪之外甚至不敷課釐所恃多銷餘鹽以之彌補且以沾潤私囊漫無限制而加秤又為該井無形之餘鹽到處充銷不

特有礙他井應征之正課即本井亦多食無課之餘鹽害已害人同歸誤課再四籌思擬以按抱二井併為一員不分鍋鹽筒鹽盡銷順定緬三屬惟渡瀾滄江後皆係假道景東又自有井適淡味薄並銷終嫌有礙擬暫為封禁其所遺竈戶拉章夫工等人分歸按抱二井酌量安置俾抱按鹽行銷愈旺毫無窒礙竈戶得以多煎獲利國課亦得以多征復舊現在抱按二井及景東一井年共認征額課銀一萬五千二百兩有奇今封一併二責成一員承辦擬暫定為每年統征解課銀二萬五千兩奉督撫批如詳辦理

光緒十三年詳准將喬後井併歸白井提舉兼辦

鹽法道等會詳稱查白井提舉及所屬大使原設均駐白井經管白鹽二

井額征課廉井費銀十一萬餘千兩軍興以來一遭蹂躪成規頓廢厥後肅清委員試辦征解未及三成之一嗣因新開喬後一井礦源日旺同治十二年稟准將喬後井定為白井子井兼移白井大使前往駐紮督窺煎鹽分銷白井引岸分認白井課款遞至光緒十年喬後認銷鹽三百五十萬斤零征解課釐井費銀三萬五千兩而白井仍祇銷鹽三百六十萬斤征解課釐井費銀三萬五

千九百七十兩零較之白鹽兩井舊額猶未逮也該喬井旋以原准分銷之鶴慶一屬改歸喇雞鳴井搭銷即准與白井攪銷蒙化兩井窺戶遂至紛爭無已喬鹽旺每冀多攪白鹽缺伍虞見紕於是託爭岸之名而營私之弊難數矣籌思至再誠無有善於歸併之舉者茲鄭提舉既認於白井加銷鹽五十萬零三百六十五斤加征銀五千兩共合征銀四萬零九百七十三兩七錢四分八釐

並於喬井加銷鹽六十萬零四百三十八斤加征銀六千兩共合征銀四萬一千兩較兩井原額共加課廉井費銀一萬一千兩均遇閏照加釐金經費在外夏秋隨征隨解冬春補解掃數擬請如稟照准即援磨黑井案辦理自光緒十三年五月初一日起收白喬兩井鹽務併歸該提舉兼辦加銷征解並先行試辦一年其喬井原定井夫役食各款亦隨課概歸提舉支給俾資辦公至該喬井大使仍令專司白喬二井稽查窺煎緝私驗引等事以資助理擬請亦援石膏井大使成案除年支廉銀外每年酌給盤關驗引

銀一百兩遇閏照攤並給井兵二十名每名月支工食銀一兩八錢書識二名每名月支工食紙張銀三兩五錢計每月共支銀四十三兩均在於道庫征存白喬兩井現加鹽課項下分別支給亦自光緒十三年五月初一日起飭令該大使按季赴庫請領庶於因時制宜之中仍不致辦公無措而征解盤驗各有專責亦可期漸復白井舊額矣經督撫批准辦理

又詳准設立開化官鹽總局
鹽法道等會詳據委辦河口釐務暫緝校

私委員補用知府何守昌先稟稱運銷井鹽必先嚴禁私尤須先一鹽價俾免滯銷鹽積因陳朽而轉虞虧空一俟各事規定自當督飭票丞王大使及各書巡認真嚴緝務期禁絕私以副委任惟抽釐緝私運鹽事務紛繁非分設局卡各專責成難期得力

茲據擬於開化黑井適中之新房地設立官鹽分局責成票丞專管轉運井鹽兼以緝私開化府城設立官鹽總局俾府自行兼理河口設立緝私分局責成王大使專管南西木廠龍膊馬白豆鼓店咬趾城麻栗坡古林箐蠻耗新街箇舊共設分卡十一處等

情本司道等公同酌議除河口釐局開支本有定章應仍照舊開支書巡薪工房租解腳紙張等費銀九十兩釐員薪水三十八兩共銀一百二十八兩於抽獲釐金按月坐支外其巡緝咬私運銷黑鹽現當創辦之始運費尙係動用馬參將抽存咬釐此項開支

除咬釐之外亦無款可籌應仍暫於已入關之咬私補抽釐金數內開支若不減役節費斷難支持日久擬請新房運鹽分局應給書記一名秤守一名局丁四名開化官鹽總局應給文案一員書識三名巡丁十名而河口為巡緝總要緊接外域事務極繁威勢